



Republic of the Philippines
Department of Education
REGION X – NORTHERN MINDANAO
SCHOOLS DIVISION OF EL SALVADOR CITY

**Tanggapan ng Pansangay
na Tagapamanihala ng mga Paaralan**

PANDIBISYONG ADBAYSORI

Blg. 023, s. 2023

Pebrero 3, 2023

Ayon sa pagpapatupad ng DepEd Order No. 8, s. 2013,
ang adbaysoring ito ay hindi pag-eendorso.
Ayon naman sa DO No. 28, s. 2001,
ito ay isang impormasyon lamang para sa mga opisyal at kawani
ng Kagawaran ng Edukasyon at ng mga mamamamayan.
(bisitahin ang <https://depedelsalvadorcity.net>)

**NOMINASYON SA DANGAL NG PANITIKAN
AT LAHOK SA MAKATA NG TAON 2023**

Alinsunod sa Panrehiyong Adbaysori Blg. 15, s. 2023, binubuksan ng
Komisyon sa Wikang Filipino (KWF) ang nominasyon para sa Dangal ng
Panitikan at lahok sa Makata ng Taon 2023.

Kalakip sa adbaysoring ito ang mga detalye sa nasabing patimpalak.

Dahil ang paglahok sa gawaing ito ay boluntaryo lamang,
makabubuting sundin ang DepEd Order No 9, s. 2005 na pinamagatang
*Instituting Measures to Increase Engaged Time-on-Task and Ensuring
Compliance therewith, Republic Act No. 5546 (Section 3 – Policy on
Contributions), at DepEd Order No. 66, s. 2017 (Policy on Off-Campus
Activities).*

Inaasahan ang daglian at malawakang pagpapalaganap sa Adbaysoring
ito.

ATCH: Gaya ng nakasaad

To be indicated in the Perpetual Index
under the following subjects:


KWF Contest

CID/gcel





Republic of the Philippines
Department of Education
REGION X - NORTHERN MINDANAO



Panrehiyong Adbaysori Blg. 15, s. 2023

Enero 25, 2023

Ayon sa pagpapatupad ng DepEd Order No. 8, s. 2013,
ang adbaysoring ito ay hindi pag-eendorso.

Ayon naman sa DO No. 28, s. 2001,
ito ay isang impormasyon lamang para sa mga opisyal at kawani
ng Kagawaran ng Edukasyon at ng mga mamamayan.
(Bisitahin ang *deped10.com*)

NOMINASYON SA DANGAL NG PANITIKAN
AT LAHOK SA MAKATA NG TAON 2023

Binubuksan ng Komisyon sa Wikang Filipino (KWF) ang nominasyon
para sa Dangal ng Panitikan at lahok sa Makata ng Taon 2023.

Ang mga tuntunin sa paglahok at ibang detalye sa pagsusumite ay
nakalakup sa Adbaysoring ito.

Dahil ang paglahok sa gawaing ito ay boluntaryo lamang, makabubuting
sundin ang DepEd Order No. 9, s. 2005 na pinamagatang *Instituting Measures
to Increase Engaged Time-on-Task and Ensuring Compliance therewith*,
Republic Act No. 5546 (Section 3 - Policy on Contributions), at DepEd Order
No. 66, s. 2017 (Policy on Off-Campus Activities).

Hinihiling ang mabilisan at malawakang pagpapalaganap ng
Adbaysoring ito.

ATCH.: Gaya ng nakasaad

CLMD/mand



DepEd Regional Office X, Zone 1, Upper Balulang, Cagayan de Oro City
(088) 856-3932 | (088) 881-3137 | (088) 881-3031
Department of Education Region 10
region10@deped.gov.ph
<http://deped10.com>



DANGAL NG PANITIKAN 2023, bukás na sa mga nominasyon!

Kumikilala sa mataas na ambag sa panitikan, ang Dangal ng Panitikan ay iginagawad sa mga manunulat at alagad ng sining na nakalikhâ ng mga akdang nag-iiwan ng bakás o humahawi ng landas sa larangan ng pagsusulat. Pangunahing konsiderasyon ang pagpapamalas ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa Filipino at iba pang wikang panrehiyon o panlalawigan. Isinasaalang-alang din ang mga nalathalang aklat at iba pang akda na kinikilala sa angkin nitóng husay, lawak, at lalim, alinsunod sa matalisik na pagtanaw ng mga kritiko at publiko.

MGA TUNTUNIN

1. Ang **Gawad Dangal ng Panitikan** ay ang mataas na pagkilála sa naiambag sa panitikang Pilipino o *lifetime achievement award*. Binibigyang-pagpupugay nitó ang natatanging manunulat na nagpakita ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa Filipino at iba pang wikang panrehiyon o panlalawigan.
2. Bukás ang nominasyon sa mga institusyon at/o manunulat—laláki man o babae—na nakapag-ambag sa pagpapayaman ng panitikan ng Pilipinas. Ang mga ambag ay dapat na nagpakita ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa wikang Filipino.
3. Pára sa mga indibidwal, kinakailangang may gulang na hindi bababâ sa apatnapung (40) taón. Pára sa mga samahán, tanggápan, ahensiyang pampamahalaán, at/o pribadong sektor, kinakailangang naestablisa nang hindi bababâ sa limang (5) taón.
4. Mayroong katipunan ng mga akda o gawaing nakapag-ambag sa panitikang Pilipino at mga katutubong wika ng Pilipinas (kinakailangang ilakip sa nominasyon bílang pruweba.)
5. Ang mga nominado ay marapat na manggaling sa rekomendasyon ng indibidwal o pangkat mula sa labas ng KWF.
6. Pára sa **nominasyon**, ihanda ang sumusunod na kompletong dokumento:
 - **KWF Pormularyo ng Nominasyon** (I-print-sagutan at ilakip);
 - Liham nominasyon na nagsasaad ng buod ng kalipikasyon ng nominadong indibidwal o samahán at nilagdaan ng nagnomina;
 - Curriculum vitae (kung indibidwal) o profayl ng organisasyon (kung samahán); at
 - Mga pruweba sa katipunan ng mga akda na nagpakita ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa wikang Filipino.
7. Iilagay sa isa o higit pang long brown envelope ang mga tinukoy sa bilang 6 at ipadala sa adres na nása ibaba:

Lupon sa Gawad Dangal ng Panitikan 2023

Komisyon sa Wikang Filipino
2/P Gusaling Watson, 1610 Kalye J.P. Laurel
San Miguel, Lungsod Maynila

8. Ang huling araw ng pagpapása ng nominasyon ay sa **13 Pebrero 2023, 5:00 nh.**
9. Ang tatanghaling Dangal ng Panitikan 2023 ay tatanggap ng naturang gawad sa iginagayak na programa ng KWF sa Araw ni Balagtas, **3 Abril 2023.**
10. Pára sa iba pang detalye, tumawag o mag-text sa 0928-844-1349 o magpadalá ng email sa timpalak.gawad@kwf.gov.ph

Talaang Ginto: Makata ng Taón 2023, bukás na sa mga lahok!

MGA TUNTUNIN

1. Ang **Talaang Gintó: Makata ng Taón** ay isang patimpalak sa pagsulat ng tula na itinataguyod ng KWF na naglalayong pasiglahin at pataasin ang uri ng panulaang Filipino sa pamamagitan ng pagkilála sa mga batikan at baguhang talino at tinig sa sining ng tula.
2. Bukás ang timpalak sa lahat ng mga Pilipino—babae man o laláki—maliban sa mga kawani ng KWF at kanilang kaanak.
3. Ang entring ipapása ay maaaring isang mahabang tula na may isang daan (100) o higit pang taludtod, o isang koleksiyon ng sampung (10) maiikling tula (10–12 taludtod) na may magkakaugnay na tema. Kinakailangang may pamagat ang ipapásang koleksiyon. Malayà ang paksà ngunit kailangang tumatalakay sa isang mahalagang paksaing panlipunan sa kasalukuyan. Ang ipapásang mahabang tula o maiikling tula ay malayà (walang tugma at súkat). Maaari ding ialinsunod ang paksà ng kalipunan ng mga tula sa tema ng Buwan ng Panitikan 2023: **“Kultura ng Pagkakaisa: Pagpapaalab ng Pagkakaisa sa Pamamagitan ng Panitikan.”**
4. Ang lahok ay kailangang orihinal at nasusulat sa Filipino, hindi salin ng nalathala nang tula, at hindi pa nalalathala sa alinmang publikasyon. Ang sinumang mahúli at mapatunayang nagkasála ng pangongopya ay kakanselahin ng KWF ang ipinagwaging lahok nitó sa timpalak at hindi na muling makasasali pa sa alinmang timpalak ng KWF.
5. Pára sa pagsusumite ng lahok, ilakip sa isang brown envelope ang sumusunod:
 - apat (4) na kopya ng kompiyuterisadong lahok. Gagamitin ang font na Arial 12 pt, may dobleng espasyo, at may isang pulgadang palugit sa bawat gilid na nakaprint sa short bond paper na may súkat na 8 ½ x 11 pulgada;
 - Kinakailangang magtataglay lámang ng sàgisag-panulat (pen name) na kailanman ay hindi pa ginamit at walang kahit anong pahiwatig ng tunay na pangalan ng kalahok;
 - Notaryo na nagpapatunay na orihinal at hindi pa nalalathala ang lahok;
 - Entry form (Sagutan, i-print at ilakip);
 - Curriculum vitae at/o bionote ng makata; at
 - Isang 2x2 retrato ng kalahok.Ipadalá ang lahok sa:

Lupon sa Talaang Ginto 2023

Komisyon sa Wikang Filipino
2/P Gusaling Watson, 1610 Kalye J.P. Laurel
San Miguel, Lungsod Maynila

7. Ang hulíng araw ng pagsusumite ng lahok ay sa **14 Pebrero 2023, 5:00 nh**. Hindi na mauurong ang araw ng pagsusumite.

8. Magpapadala ang KWF ng mensahe (text) kung natanggap na ang lahok.

9. Ang mga gantimpala ay ang sumusunod:

Unang gantimpala, PHP30,000 (net) + titulong “Makata ng Taón 2023”, trofeo, at medalya;
Ikalawang gantimpala, PHP20,000.00 (net) at plake;
Ikatlong gantimpala, PHP15,000.00 (net) at plake

12. Ang pasiya ng Lupon ng Inampalan ay pinal at hindi na mababago.
13. Ang lahat ng mga natanggap na lahok ay hindi na ibabalik at angkin ng KWF ang unang opsiyon sa paglilimbag ng mga nagwaging akda.
14. Pára sa karagdagang detalye, mag-text o tumawag sa 0928-844-1349 o mag-email sa timpalak.gawad@kwf.gov.ph